



Վահան Տերյան

Ես կըգամ, երբ դու մենակ կըմնաս

Ես կըգամ, երբ դու մենակ կըմնաս
Տրտում իրիկվա ըստվերների տակ,
Երբ դու կըթաղես տենչերդ խորտակ.
Եվ վհատությամբ երբ կըհեռանաս...

Ես կըգամ, որպես մոռացված մի երգ,
Հյուսված աղոթքից, սիրուց ու ծաղկից.
Քո մեռած սրտում կըլինի թախիծ,
Ես կըկանչեմ քեզ դեպի այլ եզերք:

Ես կըգամ, երբ դու կըլինես տրտում,
Երբ երազներդ հավետ կըմեռնեն,
Ձեռքդ կըբռնեն, ցավը կըբռնեն,
Կըվառեն ուրիշ լույսեր քո հոգում...

1908